

SAKSPAPIR

Saksnr	Utval	Type	Dato
055/20	Plan- og kommunalteknisk utval	PS	03.06.2020
043/20	Formannskapet	PS	10.06.2020
034/20	Heradsstyret	PS	17.06.2020

Saksbehandlar	ArkivsakID
Pelle Engeseter	20/715

Planstrategi 2020-2024

Vedlegg:

Planstrategi 2020-2024

Rådmannen sitt framlegg til vedtak:

Med heimel i plan og bygningslova § 10-1 vert Kommunal planstrategi for Osterøy kommune 2020-2024, dagsett 20.05.20 vedteken som styrande verktøy av ressursar for perioden 2020-2024

Det er eit politisk ynskje at at omsynet til biologisk mangfald og berekraftig ressursforvalting får ein klar prioritet, og at kommunen sine representantar tar dette med seg inn i det vidare arbeidet.

Plan- og kommunalteknisk utval - 055/20

PL - behandling:

Plansjef Pelle Engesæter var til stades og orienterte kort om framlegget til planstrategi for 2020 - 2024.

Aksel Mjøs, H, gjorde slikt framlegg: "Saka vert teken til vitande."

AVRØYSTING

Framlegget vart samrøystes vedteke

PL - vedtak:

"Saka vert teken til vitande."

Formannskapet - 043/20

FS - behandling:

Ordføraren viste til framlegg til vedtak og gjorde merksam på at framlegget må ut på høyring før endeleg vedtak i heradsstyret, og gjorde slikt framlegg om tillegg: "Framlegget til planstrategi vert lagt på høyring før endeleg vedtak i heradsstyret, jfr. pbl. § 10-1."

AVRØYSTING

Rådmannen sitt framlegg med slikt tillegg
som foreslått av ordføraren - samrøystes tilrådd.

FS - vedtak:

Innstilling til heradsstyret:

"Med heimel i plan og bygningslova § 10-1 vert Kommunal planstrategi for Osterøy kommune 2020-2024, dagsett 20.05.20 vedteken som styrande verktøy av ressursar for perioden 2020-2024.

Framlegget til planstrategi vert lagt på høyring før endeleg vedtak i heradsstyret, jfr. pbl. § 10-1."

Heradsstyret - 034/20

HS - behandling:

Hjalti H. Gislason, H, gjorde slikt framlegg om tillegg: Tabell 4, 5 og 6 (side 29 og 30) i dokumentet vert oppdatert med ei kolonne som skildrar kva sektor planen høyrer til."

Trude Tomren, MDG, gjorde slikt framlegg om tillegg: "Det er eit politisk ynskje at at omsynet til biologisk mangfald og berekraftig ressursforvalting får ein klar prioritet, og at kommunen sine representantar tar dette med seg inn i det vidare arbeidet."

Framlegget vart ikkje røysta over.

Ordføraren viste til at Interkommunal plan for sjøområde vil koma opp som eiga sak i heradsstyret.

Trude Tomren, MDG, trekte sitt framlegg.

Alf T. Mortensen, FRP, gjorde slikt framlegg: "Saka vert sendt tilbake til administrasjonen for å implementere ein meir detaljert framdriftsplan der planavdelinga sjølve kjem med framlegg om når me kan vente dei ulike planane i arbeid.

Områdeplanar for Haus og Lonevåg bør handterast i planen."

Alf T. Mortensen, FRP, trekte sitt framlegg før avrøysting.

AVRØYSTING

Formannskapet si innstilling - samrøystes vedteken

Hjalti H. Gislason sitt framlegg - samrøystes vedteke

HS - vedtak:

"Med heimel i plan og bygningslova § 10-1 vert Kommunal planstrategi for Osterøy kommune 2020-2024, dagsett 20.05.20, med følgjande slik endring: Tabell 4, 5 og 6 (side 29 og 30) i dokumentet

vert oppdatert med ei kolonne som skildrar kva sektor planen høyrer til, vert vedteken som styrande verktøy av ressursar for perioden 2020-2024. Framlegget til planstrategi vert lagt på høyring før endeleg vedtak i heradsstyret, jfr. pbl. § 10-1."

Saksopplysningar:

Saksopplysningar:

Planstrategi er ikkje ein plantype, men eit hjelpemiddel for klargjere kva for planoppgåver kommunen bør starte opp eller vidareføre for å legge til rette for positiv utvikling. Planstrategien peikar på utfordringar som skal løysast gjennom revidering av eksisterande planar eller utarbeiding av nye i inneverande heradsstyreperiode. Planstrategien gjev vidare grunnlag for å vurdere om einskilde planar skal opphevast. Ved handsaming skal heradsstyret ta stilling til om gjeldande kommuneplan eller deler av denne skal reviderast, eller om plan skal førast vidare utan endringar.

Osterøy kommune har ambisjon om å oppretthalde eit planverk som evnar å sikre samfunnet velferd, næringsutvikling, arbeidsplassar og gode lokalsamfunn for framtida. Fire av dei fem fokusområda frå planstrategien for perioden 2016 – 2020 er ført vidare i denne planstrategien. Dette skuldast at planstrategien for 2016 - 2020 ligg til grunn for kommuneplanens samfunnsdel som skal opp til politisk handsaming hausten 2020. Det femte fokusområdet, *berekraftig utvikling*, er løfta fram til å utgjere ein overordna og sektorovergripande premiss for vidare utvikling av Osterøy kommune. Dette inneber at samtlige sektorar i kommunen skal ha eit berekraftperspektiv i all sektorplanlegging og aktivitet. Eit nytt fokusområde er lagt til; *samskaping*. Dette er det 17. berekraftsmålet i FN sine berekraftsmål som norske kommunar etter beste evne skal forsøke å implementere.

Kommuneplanens samfunnsdel for 2019 - 2030 skulle vore vedteke i førre valperioden, men arbeide med planen vart utsett som følgje av at kommunen vart med i KS-prosjektet «Samfunnsdelen som lokalpolitisk styringsverktøy. Samfunnsdelen vil bli vedteke hausten 2020. Arbeidet med planstrategien for 2020-2024 er i stor grad tilpassa arbeidet med KS-prosjektet og samfunnsplanen.

Bakgrunn

Sidan planstrategien for 2020-2024 vil gjelde for ein kommuneplan som den førre planstrategien har gitt føringar for, har administrasjonen valt å ha ein mindre omfattande medverknadsprosess for denne planstrategien. Mellom annan har han ikkje blitt sendt på høyring til nabokommunar eller regionale mynde. Planstrategien er sendt på høyring i sektorane i kommunen og innspel frå desse med omsyn til planbehov er bakt inn i dokumentet. Planstrategien har òg vore drøfta på leiarmøte i kommunen.

Vurdering

Folkehelse:

Ved arbeidet med kommunal planstrategi er fleire område under folkehelse undersøkt, vurderte og ligg til grunn for prioriteringane som er gjort.

Miljø:

Miljøomsyn og berekraftig utvikling er vurdert og ligg til grunn for prioriteringane som er gjort.

Økonomi:

Kommunens økonomiske situasjon set klåre rammer for ambisjonsnivå og samfunnsutvikling, noko som vil prege samtlige sektorar og kommunale planar dei komande åra. Den økonomiske situasjonen for Osterøy kommune utgjør ein viktig premiss for planlegginga i denne valperioden. Samstundes vil det vere slik den kommunale økonomien også utgjør ein utfordring som kommuneplanen må kome i møte.

Kommunen er i ein situasjon der driftsutgiftene er høgare enn disponible inntektene. Dette er ikkje berekraftig over tid. Kommunen har (med utgangspunkt i 2018 tal) 3,4 % høgare utgiftsbehov enn landsnittet. For å gjere økonomien berekraftig over tid må kommunen syte for at vi driv med eit positivt netto driftsresultat. Dette krev strukturelle grep og nye måtar å drive tenestene på.

Konklusjon

Ein viser til saksutgreiing og vedlagte dokument. Rådmannen tilrår å vedta kommunal planstrategi for Osterøy kommune 2020-2024 som styrande verktøy for prioritering av oppgåver.